

FIF – Universalbank MKO‘B krediti

Mamlakat:	O‘zbekiston
Loyiha raqami:	51413
Faoliyat sohasi:	Moliyaviy muassasalar
Bildirishnoma turi:	Xususi
Ekologik toifasi:	FI (Moliya muassasasi)
Tasdiqlanish sanasi:	2022-yil, 4-oktabr
Qaysi bosqichdaligi:	Tasdiqlandi
Loyihaning qisqacha mazmuni chop etilgan sana:	2022-yil, 7-oktabr

“Axborotdan foydalanish to‘g‘risida”gi direktivaning 1.4.2 (iii) bandiga muvofiq: “Direktorlar kengashi o‘zining tasdiqlash vakolatlarini bergan Bank rahbariyati tomonidan ma’qullangan loyihalar bo‘yicha, loyihaning qisqacha mazmuni “YTTBni ta’sis etish to‘g‘risidagi kelishuv”ning 13(iii)-moddasiga muvofiq Bankning a’zo davlatiga tegishli e’tiroz yo‘qligi haqidagi xabar berish davrining boshlanishi”da e’lon qilinadi.

Loyiha mazmuni

O‘zbekistondagi xususiy mayda, kichik va o‘rta biznes (MKO‘B) korxonalarini qo‘llab-quvvatlash uchun “Universal bank” aksiyadorlik tijorat bankiga mahalliy valyutada (MKO‘B krediti) 2 million AQSH dollarigacha bo‘lgan birinchi navbatdagi kredit berish. Bu kredit texnik ko‘mak jamg‘armasi mablag‘lari bilan qo‘llab-quvvatlanadi.

Loyiha maqsadi

MKO‘B krediti “Universal bank” ATBga yangi mijozlarni jalb qilish va poytaxt Toshkent shahridan tashqaridagi qarz oluvchilarni qamrab olishga e’tibor qaratgan holda, moliyalashtirish bazasini diversifikatsiya qilish va xususiy MKO‘B larni kreditlash imkoniyatini kengaytiradi.

O‘tish davri ta’siri

Kutilayotgan o‘tish davri ta’sirining bahosi: 60

YTTB ushbu loyiha orqali MKO‘Bga xizmat ko‘rsatuvchi moliyaviy barqaror banklar bilan yangi aloqalarni o‘rnatish hamda mamlakat moliya sektorini qo‘llab-quvvatlashni

davom ettiradi. Ushbu kredit “Universal bank” ATBga MKO‘B kredit portfelining kengaytirishi orqali moliya bozoridagi raqobatbardoshligini oshirish imkonini yaratadi. Kreditning mahalliy valyutada berilishi, shuningdek, moliyaviy koeffitsiyentlarga rioya qilinishlik hamda kredit portfelining sifatini saqlash talablari bu moliyaviy muassasaning barqarorligiga xizmat ko‘rsatadi.

Mijoz haqida

“UNIVERSAL BANK” ATB

“Universal bank” ATB 2001-yilda Farg‘ona vodiysida joylashgan Qo‘qon shahrida tashkil etilgan xususiy moliya instituti hisoblanadi. Bank mahalliy MKO‘B va chakana mijozlarga keng ko‘lamli moliyaviy xizmatlarni taqdim etadi. U Farg‘ona vodiysi, Toshkent shahri va viloyatida joylashgan jami yettita filial va yigirma beshta shoxobcha orqali faoliyat ko‘rsatadi.

YTTBdan ajratiluvchi moliyaviy mablag‘lar

2 000 000,00 AQSH dollari

Loyihaning umumiy qiymati

2 000 000,00 AQSH dollari

Qo‘shimchalilik sharti

Ajratilayotgan MKO‘B kreditining qo‘shimchalilik sharti “Universal bank” ATB uchun moliya bozorida mavjud bo‘lmagan shartlarda hamda mahalliy mintaqaviy MKO‘B uchun moliyalashtirish imkoniyatlari cheklangan sharoitida uzoq muddatli moliyalashtirishni taqdim etilishdan iborat. Qo‘shimchalilik shartlariga quyidagilar majmuasi orqali erishiladi:

Moliyaviy tuzilma: YTTB ayni paytda tijorat manbalari bozorida mavjud bo‘lmagan uzoq muddatli moliyalashtirishni taklif etadi.

Standartlarning o‘rnatilishi: sub-qarz oluvchilarni tanlash uchun aniq belgilangan mezonlar, shuningdek YTTBning ekologik va ijtimoiy standartlari, moliyaviy koeffitsiyentlar va hisobot topshirish talablariga rioya qilish.

YTTBning aholisi zich bo‘lgan Farg‘ona vodiysida faoliyat ko‘rsatuvchi bu bank bilan hamkorligining bilvosita foydali jihatlari bu xususiy bankning biznes hisobotlari va ma‘lumotlarni oshkor qilishning yuqori standartlariga o‘tishini osonlashtiradi.

Ekologik-ijtimoiy xulosa

FI toifasiga kiritildi (ESP 2019): YTTBning yangi mijozi bo‘lgan “Universal bank” Loyihaning 2, 4 va 9-talablariga (“PR”), shuningdek, korporativ, kichik va o‘rta biznes korxonalarini uchun mo‘ljallangan kreditlar va mikrokreditlar uchun YTTBning ekologik va ijtimoiy tartiblariga rioya qilishi shart. Moliyalashtirish MKO‘B korxonalariga

investitsiya qilish uchun sarflanishi ko'zda tutilayotgani hisobga olinsa, ular uchun atrof-muhit va ijtimoiy xavf-xatarlarning umumiy darajasi past darajadan o'rtachagacha hisoblanadi. Shu sababli, "Universal bank" ATB sub-loyihalarning xususiyatiga mos keladigan Ekologik va ijtimoiy boshqaruv tizimini (ESMS) ishlab chiqishi hamda amalga oshirishi, ularni loyihaning 2 ("PR2") va 4-talablariga ("PR4") moslashtirish uchun mavjud tartiblarini yangilashi kerak bo'ladi. Shu bilan birga, "Universal bank" ATB har yili YTTBga ekologik va ijtimoiy hisobot taqdim etishi kerak bo'ladi. Mijozga o'zining ekologik va ijtimoiy salohiyati va ESMS'ni ishlab chiqishi uchun texnik ko'mak beriladi.

Texnik ko'mak va grant asosida moliyalashtirish

"Universal bank" ATBga MKO'B salohiyatini oshirish sohasida "O'zbekiston: moliya institutlarini rivojlantirish bo'yicha texnik ko'mak dasturi" (YTTB Kichik biznesga ko'maklashish jamg'armasi ("SBIF"), Koreya Respublikasi va YTTB Ta'sischilarining maxsus fondi ("SSF") tomonidan moliyalashtiriladi) doirasidagi texnik ko'mak beriladi. Bu ko'makda kredit xavf-xatarlari va KYC ("Know Your Customer" – "Mijozlaringizni o'rganing") platformasiga asosiy urg'u qaratiladi. Xarajatlar ulushi umumiy ko'zlangan byudjetning 15 foizigacha bo'lishi ko'zda tutilmoqda.

Bundan tashqari, "Universal bank" ATB Yevropa Ittifoqining Markaziy Osiyoda barqaror xususiy sektor to'g'risidagi shartnomasi doirasida moliyalashtiriladigan "Markaziy Osiyo uchun mintaqaviy kichik biznesga texnik ko'mak dasturi" va YTTB Ta'sischilarining maxsus fondining ("SSF") Markaziy Osiyo uchun kichik va o'rta biznes korxonalarini moliyalashtirish mexanizmi" texnik ko'magidan foydalanadi. Xususan, "Universal bank" ATBning tegishli xodimlari shu texnik ko'mak doirasidagi markazlashgan seminar-treninglar va elektron o'quv kurslarida ishtirok etadi.

Kompaniyaga murojaat qilish uchun ma'lumot

Otabek Karimov

info@universalbank.uz; Otabek.Karimov@universalbank.uz

+998781503991 (11-03)

+998 (73) 542-05-78

www.universalbank.uz

O'zbekiston Respublikasi, Farg'ona viloyati, Qo'qon shahri, Shohruhobod ko'chasi.

Loyihaning qisqacha mazmuni so'nggi marta yangilangan sana

2022-yil 07-oktabr

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron pochta orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonim tarzda xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin..

Loyiha hisobdorligi mustaqil mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning Loyiha hisobdorligi mustaqil mexanizmi ya'ni IPAM yordamida o'zlarining o'sha xavotirlarini bildirishlari mumkin.

IPAM, arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyiha muammolarini mustaqil ravishda baholaydi. Ushbu mexanizmning maqsadi loyiha manfaatdor tomonlari o'rtasida ekologik, ijtimoiy va axborotni ommaviy oshkor qilish bo'yicha muammolarini hal etishdagi muvaffaqiyat qo'llab-quvvatlash, Bank o'zining [Ekologik va ijtimoiy siyosatiga](#) yoki [Axborotdan erkin foydalanish siyosati](#)ning loyihaga oid tartiblariga rioya qilayotganini tekshirish va zarur hollarda, kelajakda ushbu qoidalarga rioya qilmaslik holatlarini bartaraf etish, shuningdek, Bank tomonidan kelgusida bunday holatlarning oldini olishdan iborat.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi veb-saytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com elektron pochta orqali biz bilan bog'lanishingiz mumkin.